



هندستانه کیتدکن صکره دهاجوق شیلره واقف اوله جغکنز طبیعیدر .  
سزه تام معلومات ویره جک ذواته توصیه ویره جکم .

۲۹ ذالحجه سنه ۱۳۲۰ - ۲۶ تشرین ثانی سنه ۳۲۸

کربلا : مخبر مخصوصکن

س . م . توفیق

## آفریقا :

درنده مجاهدین اسلامیه نیک موفقی . — دون درنده دن بق بق  
طریقله و حلب واسطه سیله اداره خانه مزه آتیده کی تلفراف چکیلمشدر :

بق بق ، ۲۱ کانون اول ۳۲۸ . — وقتيله بنغازیده ایتالیانلری  
خروج حرکته اجبار ایتک اوزره شهرک جوارنده بولنان عین زاره  
صوینی سد ایدلمشدر . بوندن متضرر اولان ایتالیانلر نهایت شهرافرنجینک  
برنجی کونی خروج ایتدیلر سهده ۲۸۰ قدر مقتول و مجروح و یک  
جوق تفک قازمه کورک بر اقدقدن صوکره منزهماً فرار ایتدیلر .  
بزدن بش شهید یکریمی اوچ مجروح واردر . هر مجاهدینک شوق وغیرتی  
توصیف ایدیله مز درجه ده در . مخبرکنز المهدوی درنه

سبیل الرشاد . — اللهم انصر من نصر الدین .

استونفارت مخبر مخصوص مزده :

## سلانیکده صلیبک مظالمی

سلانیکده مقیم آلمانلردن بری وطن اصلیمی اولان استونفارت  
شهرنده بر دوستنه ارسال ایلدیکی بر مکتوبی مومی الیه بوراده منتشر  
تاغیلات غزته سنه ویره رک انسانیت نامنه مندرجاتنک نشر اولنسنی  
رجا ایدر . مکتوبه شو یولده باشلایور :

سلانیک شهر عظیمک یونانیلر طرفندن مقاومت کورمکسین تسلیم آلندیغنی  
طبیعی غزته لرده اوقویه رق معلومکنز اولمشدر . مع مافیه بو کونکی یازده جم  
حوادث ایله دها بوکا مائل یومیه وقوع بولمقده اولان وحشت آوروپا غزته لرینه  
هنوز اطرافلیجه نقل اولنمیدن معلوماتنک دخی اولمیدی ظن قویسندهیم .  
« قونیق قارل کیمناسیون » مکتبی صره لرنده اوطوردیغ ، دیگر برطاقم  
مشهور یونانیلر الیه برابر هوراز و هو مرک مدنییت یونانیه یی نصل عالمه انتشار  
ایتدکاری تحویل ایتدیکم ائشاده درونمده حاصل اولان برحس حرمت یرینه  
بر کون کلوبده دکل یالکنز بو آدملرک حفیدلرینه ، حتی روم نامی ایله بنام هر  
سنه دن صوکره درجه نفرت ایدیه جکمی هیچ بروقت خاطریه کتورماش ایدم .  
ایشته بونفرتنک بنده نصل پیدا اولدیغنی شورا جقده سکاتخصصرجه بیان ایدیم :  
شو یکن صوکره کونلرده شهر مزده اجرا اولنان قصابلی درخاطر ایتدیکجه  
بالذات کوردیکم شو وحشتی یازمق ایچون قلم و شو وحشتی کوروبده  
وظیفه انسانیت اولان معاونتی تأثیر خوف ایله اجرا ایدمه ماکدن متولد درونمده  
حاصل اولان برحمت شدیده بی تسکین ایچون اوایلدرکه قلم بی آکلامغه  
اجبار ایدیور . بو وحشتی اجرا ایدنلر علی الاکثر روملردر . خصوصیه  
غالب یونان عسکری - تعبیر حقیقی ایله - « وحشی حیوانلر » اجرا ایدیورلر .  
یالکنز ترکار و موسویلر دکل ، حتی بز آوروپالیلر الیه بو نظامسز وانتظامسز  
چته دیمکه سزا عسکرلرک وحشتدن امین دکاز . قرق کلیسا مظفریتی اوزرینه  
هر کسک قلبنده حاصل اولان رغبت یرینه شمدی ا کراه و نفرت یرلشدی .  
چونکه بلغارلرکده تربیه وانتظامدن چیدقلری هر کون مشاهده اولنمده در .  
حال حاضرده قدر مدنی ظننده بولندیغمز بو بالقان خرسیتیانلرینک بو درجه  
وحشیلردن دها وحشی اولدقلرینی کوردیکجه انسان بونلره خرسیتیان ملت

عنصری صوکره درجه کوسدی ، یواش یواش حکومت محلیه علیبنده یازیلر یازمغه ،  
مطبوعاتلری صحیفه لرنده یازی یاغدیرمغه و بوندن ده بر فائده ترتب ایتدیکنی  
کورنجه کیزی قومیه و جمعیتلر تشکیلنه ودها صوکره ، منورالفکر ، تحصیل  
وتربیه کورمش ، مقتدر و فعال و قدرت قلمیه مازک اولان کنجلیرینی  
فرانسه یه ، اسویجریه یه ، اوروپانک اک حر و سرست ممالکنه کوندروب  
اورالرده انکلتزه حکومت حاضره سنک هندلیلرله هندستان حقنده تطبیق  
وتعقیب ایلکده اولدقلری وحشت ومظالمه دائر نشریاتده بولندیردیلر .

بوجریان بویودیکجه بویودی . اک صوکره دهشتنمون برحاله کادی .  
هندستانده کی هندو کنجلیر دینامیت و بومبا واسطه سیله انکلیزلری اتلافه  
قویولدیلر . حکومت بو بومبا جیلرک حقندن کلهمدی . چونکه هر نرده بریسی  
یاقه لادیسه ، ایرتسی کونی اون دانه سی دها چیقدی . بنغاله لیلر ، هندولر  
کوپه کوندوز انکلیز پوسته سنی ، پوسته خانه سنی صویدیلر . قلب آقچه اعمالنه  
تشبث ایتدیلر . انکلیزلرک هندستان ایچون اعمال وتخصیص ایتدکاری ( بانک  
نوطلری ) تقلید ایتدیلر . حاصلی انکلیزلرک باشنه چیقارمقدق بلا ، اذابر اقدیلر .  
هله لوندیره مجلس اعیان اعضاسندن ( سیر کورزن ویلی ) نامنده برانکلیز  
اصیلزاده سنی اولدیرن برهندو ، افاده سی مستنطق طرفندن ضبط ایدیلرکن  
« اوت ، بو آدمک قصوری انکلیز اولقدن عبارت ایدی . بن ،  
بونو بیله رک ، عقم باشمده اولارق اتلاف ایتدم . بکا غرضی ، مرضی  
اولماقله برابر ، ممالکنه یی بغیر حق ضبط واستیلا ایدن انکلیز عنصرندن  
بولنسدینی جهنله کندیسینی اولدیردم . ذاتاً برانکلیز اولدیرمکی عهد وميثاق  
ایتدیم . بناء علیه مقصده نائل اولدم ، شیمدی هر نه ایسترسه کز یاپیکز . چونکه  
مستخرج الحاطر وفارغ البال اولدق بوجهان فانی یی ترک ایدیورم . « دیمشیدی . »  
انکلیزلر هر نه یاپیدیلر سه بونک آغزندن برشی قاپه مدیلر ، شریک  
جرمی اکلیه مدیلر . بو صورتله هندستانده هر کون برر ایکیشر انکلیز  
اولدیرمکه باشلادیلر . حاصلی هندستانک اولجه مقر حکومتی تشکیل ایدن  
( کالکوته ) شهرینی انکلیزلره زندان ایدیلر . انکلیزلرک بنغاله و کالکوته  
ایالتده کی قوت ونفوذلری فوق العاده برضغه دوچار اولدی . ارتق اوراده  
اجرای حکومت ایدمه یه جک برحاله دوشدیلر . ایشته انکلتزه قرالی هندستانه  
( هند امپراطوری ) تاجنی کیمک ایچون کادکاری ائشاده ، هم هندولره  
برضریه اوروب حکومتی دوشدیک کارداب ضعدن تخلیص ایتک ، همده ضمناً  
مسلمانلره بر مجامله ده بولنش اوق ایچون هندستانک اک قدیم ممالکنندن  
اولوب یوزلرجه سنه هندستانک تاریخی پای تختی اولان ( دهلی ) شهرینی  
هندستان ایچون مرکز حکومت اتخاذ ایتدیکنی اعلان ایددی .

بناءً علیه انکلیزلر کندی منفعت اداریه لرینی حال حاضرده هندستانده کی  
اسلام هندلیلرله خوش کچنمکده کوردکاری جهته مسلمانلره فضله امتیاز و یرمکده  
و حرمت ایتدیکده درلر . اسلاملری پت پرستلرله اتفاق واتحاد ایتامکه تشویق  
وترغیب ایدیورلر . حتی اسلاملرک عقلنه شونی صوقشدردرکه ، کونک برنده  
پت پرستلر انکلیزلری هنددن قوغوب اعلان استقلال ایتمکه موفق اولدقلری  
آنده هندولر بونون هند مسلمانلرینی کسه جکارمش ! هر نه حال ایسه شمديک  
مسلمانلرک حال وموقعلری انکلیزلر عنده متین ومفوظدر .

بوندن بشقه دولت علیه نک سیاستی هندستانده لایقيله یوروتیه یه جک  
مقتدر ، لسان آشناسه بندرلرک ، هندستانک متعدد شهرلرنده بولنماسی لازم ایکن  
مع التأسف بومبا ییدن بشقه بریرده بوکون دولتیله نک موظف بر شهیندیری یوقدر .  
بوشهیندرلره بول تخصیصات و یرمک ایجاب ایدرکه کندی دولتنک  
حیثیت وشرفی هم انکلیزلرک ، همده هندلیلرک نظرنده وقایه ومحافظه  
ایدیه یلسون . انکلتزه دولتنک بغداد قونسوستانه سنه تخصیص ایتدیک معاش  
وتخصیصانک اوچده برینی دولتیله بومبا ییده کی شهیندیرینه یرمیور . انکلتزه نک  
عراقده ، عراقه تابع لوارلرده بیله بررقونسو سنی وارکن ، الیوم عثمانیلرک  
هندستانک اکبرنجی شهرلرنده بیله مأمور سیاسیلری یوقدر .

حاصل دولت علیه نک اداره سیاسیه سنده بویوک بویوک خطا ویا کلشلر  
وارکه ، بونلر اصلاح ایدلمکجه دولتیله دول سیاسیه صره سنه داخل اوله مز .

دون بعدالظهر خانه سنده اقامت ایلدیکم برچرکس فاملیاسنک کوچوک کریمه سی سوقاقده خانه سی اوکنده پیاده قالدیریمی اوزرنده طوب اوینامقده ایکن سریع السیر کلکده اولان بریونان سوارسیی قصداً حیوانی پیاده قالدیریمی اوزرینه سورهرک پیچاره قزجیزی حیوانک نعلاری آلتنده ازر . اشته بوکی وقوعات یومیوزلرجه وقوعبولاقده در . بو حاله قارشو بزاجنبیلر بوراده بی نفوذواققدار بولنیورز . اوروا ایسه نه ایشیدییور، نه ده کورمه که تزل ایدیور .

شو صاحب وجدان بر آلمان بو مکتوبی سابق کندی مکتب رفیقنه یازیور . بو حاله بر غرض اوزرینه ترتیب اولنش مصنوع بر حوادث اولدیغنه هیچ بر وجدان حکم ایده من . بو ذات محترمده بزم کی ، انسانیتی ومدیتی قبول ایتدرمه که بزی اجباره چالیشان اوروپالیرک معاونتی چایریور . واسفا که اوده بزم کی نه ایشیدن ونده کورن اولدیغنی اعترافه مجبور قالیور . بلغارلر هنوز چتالجه استحکاماته کله دن استانبولده بولنان اجنبی دوستلرمز، ظن ایتدکاری و هیچ بر وقت کورمدکاری مظالم و باربار لغمزدن خوف ایده رک تأمین حیاتلری ایچون منسوب اولدقلری حکومتلردن معاونت طلب ایلدیلر . هر حکومت بررایکیشر زرهیلیرنی کوندردیلر . پای تختمز عسکر حیقاردیلر . لکن دکل یالکیز براجینیک، حتی بو مصیبتی باشمز دعوت ایدن او بزم له واتیلردن برینک بیله بورنی قاهه مدیغنی کوردکارنده محجوب عسکری تکرار کیلرینه چکمه که مجبور قالدیلر . سلائیکه وقوعبولان شو مغایر شعار انسانیت ومدنیت حاللری کوروب ایشدکاری، حتی کندی تبعه لری بیله استمداد ایتدکاری حاله عجا حکومت مذکوره استانبوله چیقاردقلری عسکرلری شو مظالمک اوکنه برسد چکمک اوزره نیچون سلائیکه چیقارملری ایچون قایلرند بر انسانیت دویغوسی حس ایتدیلر؟ اگر اوراده اجنبیلرک حیاتی مخاطرده اولدیغنی بر معذرت اوله رق بیان ایده جک اولسه لر، کندی تبعه لرینک یازمش اولدیغنی شو مکتوب انی صورت قطعیده جرح ایدیور . استانبولده ده حیاتلری تهله که ده دکل ایدی . انسانیت ومدنیتی اجزای خرسیتانیته نکر برر عضوی اولدیغنی ادعا ایدن عالم خرسیتانیت اللرنده صلیب، اوکلرنده راهبیری بولندقلری حاله بودفعه ده تراکیاده، ماکدونیا ده وارنبودلقده تمامیه بونک عکسنی، باربارلقه اتهام اولنان ترکار خصوصیه اسلاملر هر یرده اولدیغنی کی حتی ۱۸۹۷ عثمانلی یونان محاربه سی ایله بو دفعه ده تمام معناسیله باربارلغک عکسنی اثبات ایتدیلر . بونک اوزرینه انسانیت ومدنیتک هانکی طرفه تجمع وتمرکز ایتش اولدیغنی بیطرف فکرلرک حکمنه ترک ایدرم .

بو ایکی ماده نک یالکیز خرسیتانلغه مخصوص بر حالت اولدیغنی ادعا ایتک اساساً بر جهالتدر . چونکه اهل کتابک جمله سی بو مزیت ایله ممزوجدر . ذاتاً کتاب الله انسانیت ومدنیتک بین البشر انتشاری حقدده پیغمبرلر نازل اولمش اولدیغندن بونک انحصارینی ادعا ایتک اللرنده کی کتابلری تأویل ایتک دیمکدر . اگر اقوام خرسیتانیته حال حاضرده کی اللرنده بولنان کتابلرینه بیله حقیقه متابعت ایده جک اولسه لر اصل او زمان صالح و مسالمتک دکل یالکیز اوروپاده حتی

دیمکه تأدب ایدیور . واقعا ضابطانک بو وحشتک اوکنه برسد چکمه که چالیشدقلری ایما ایدر حرکاتی کوریلور ایسه ده اجرای وحشتده محل وقعه دن صاوشدقلری ده کوردکجه ظاهری اولدیغنه قناعت حاصل ایدیور . ضا - بطلرکده برر برر کندی طرفندن قتل واتلاف اولندقلری کوروب ایشدکجه بونلرک بیله معیتلری اوزرنده اصلا بر نفوذی قالدیغنه انسان قانع اولیور . بو حاله انسانیته نالایق شو حالاتک اوکنی آلق ایچون بر تشبده بولنمده حیاتی تهله که یه الفایتمک دیمکدر . بو کروهلرک وحشتدن هیچ بر شی امین دکدر . زیرا تلکی قدرخرسز اولدقلری کی یالکیزقان دوکمه که اولان شدت اشتیاقلرندن انسانلری اولدیریورلر . ایشته بوکامثال اولدرق کوزمله کوردیکم خبیع عمومی بر روم اکلنجه سنی سکا نقل ایده م :

بر کون بلا مقاومت تسلیم اولان مسلمان اسیرلرندن قسم اعظمی ، ساحله مسلمانلر طرفندن دکزه آتیلان ماوزر تفککرینی چیقارمه لری ایچون ساحله نقل اولوندیلر . پیچاره لرک اکثریسی یوزمه بیلمدکارندن امتناع ایتدکارینی کورن بو باربارلر زوالیلری سونکو، قضاطوره و دیچکه ایچه درین اولان دکزه سورددیلر . قصداً شو ناقابل تحمل دهاش اولومه ترک اولنان پیچاره آناوایا اولادلرینک صورت مده شهده بوغولدقلری کورن شوو وحشی جنوارلر بر علامت مسرتله دیگر اسیرمسلمانلری بلا حس مرحمت قضاطوره لرله دکزه سوریریورلردی . قرق متجاوز پیچاره لرک شو صورت فجیعده ده حیاتلرینه خاتمه چکلدیکنی کورن سلائیک فرانسر قونساوسی هر نقدر بو وحشت علمینه پروتستو ایتدیسه ده بونک اوزرینه غلیانه کلان شو وحشیلرک باربارلقلرینه شمدی ده کندیسی هدف اولدیغنی کورونجه هیچ اولز ایسه کندی حیاتی قورتارمق ایچون علی العجله قونسولخانه یه فراره مجبور اولدی .

بنه برکون اختیار برقادین نادرالامثال تصویر کی کوزل اولان طورونی قزجیز ایله برجامعدن چقه رق خانه لرینه کیتکه ده ایکن اوزرلرینه هجوم ایدن برقاچ روم عسکرلرینک فکر غصنه قارشو یاوروسنی محافظه ضمنده صوک درجه مدافعه یه چالیشان پیچاره قادینجیز بوخونخور جنوارلرک قضاطوره لرله قانچقجه سنه آرقه سندن ووریلهرق قانلره بویانمش اولدیغنی حاله یره سربلدی . بیوک والده سنک مدهش صورته تلفنی کوردیکی حاله یاردیم و اعانه دن عاجز قالان او صاحب عصمت پیچاره قزجیز شو فاجعه یی بلاحس سیر ایتکه ده اولان اهالیدن استمداد یوللو آچی آچی فریاد وفغانه باشلادی ایسه ده بو یورکاری پارچه لایان تضرعنه قارشو جمله سی برر مرمر ستون ایش کی بلا حرکت دوره رق پیچاره نک او جنوارلر طرفندن سوروکنورجه سنه کوتورلدیکنه سیرجی اولوب قالدیلر . لکن نراهیه کوتورولدی؟ انجق جناب حق بیور . مومی الیها سلائیک بیوک تجارلرندن برینک کریمه سی اولوب هر نقدر عالیه سی طرفندن تحریاته بولندیسده پیچاره دن شمدی یه قدر الاکن نه برخبر آلمش، نه ده بر نشانه کوریله بیلمشدر .

یکن بازار کونی برقاچ بلغار ضابطی چارشوباشنده بولنان برقهوه خانه ده سوقاقده دولاشان کوبکره روولور ایله نشان آلوب آتقی صورتیه بر اکلنجه ترتیب ایدرلر . بوا کلنجه ده ایکی مسلمان چوجنی صورت مده شهده یارالایر . برده مسن آدیجیز تلف اولور . فصل عزیزم کوزل مدنی بر اکلنجه دکلکی؟ علی الخصوص خانه لر تحری اولدیغنی ائشاده تلف ایدیلان معصوم قادین ارکک مدافعه سز پیچاره لرک عددی الایلر تشکیل ایدر . حتی شمدی بیله شبهه یی داعی حرکتده بولنان برکیمسه مطلق بمطلق همده عن قریب بتون قوتیه ایمان ایتدیکی حقنه ویغمبرینه قاووشه جغنی ذهنه قویعلی . چونکه یونان وبلغار قورشونلری مسلمانلر ایچون اعمال اولنش اولدیغندن پارمقلریده صورت دائمده ته تکه ده بولنیور .

عزیزم ! بردفعه تفکر ایت . یومروقلرینی جیبنده صاقلامغه مجبور قالان بز، صاحب حس و تربیه اولان کیمسه لر بو جنوارلقلره قارشو نصل تحمل ایدر . ایدیلان پروتستولر شمدی یه قدر بی ثمره قالدیغنی کی بوندبولده عدم نفوذی مشکوک دکل، همان حقیقیدر . چونکه بعدما انسان کندی حیاتندن امین دکدر .

دنیا ده بیله قطعاً تقرر ایده جکندده کیمسه شبهه ایتمسون. کچن طراباس محاربه سنک سبب ظهوری بر ملت خرسیتیایه اولدینی کبی محاربه حاضر - نك مسیبه ده ینه بر ملت نجیبه خرسیتیایه در. لکن شوکا ایکی کره ایکی، درت اولدینی کبی اعتقاد اتملی در که : اقوام خرسیتیایه نك اقوام سائر اوزرنده دین و مذهب ایله ممزوج انسانیت و مدیت ماسکسی آلتنده تطبیق ایتدکاری مظالم و معایر انسانیت و حقانیت حاللر هیچ بروقنده مجازاتمنز قالمز و قالمیه حقدرد. جناب حق منتقدرد.

استوتغارت محمدخیرالدین

## شیونک

اسلامك قاره كونلری :

**مسلمانلر مرأ لاورر یا یلیدور .** - بلغار غزته لری بی پروایازیور : دینه ونیک غزته سی بلغار عسکرلرینک ، جمعه بالاده مقیم اهالی اسلامیه دن درتیوز یتش کشی به جبراً دین اسلامی ترک ایتدیردکاری یازیور . بعض غزته لک روایتنه نظراً تضییقات واقعه یه قارشى مقاومت ایده میه رک کره هانصر ایدن قادین وارککلرک اسملری دکشدیرلوب خرسیتیان اسملریله تسمیه ایدلشلدرد . قادیلرک یوزلرنده کی پچه لر قالدیرلشدر . جامه امامی فردیناند اسمیه تسمیه ایدلش و تسمیه مراسمنده بلغار قائمقامی لانیچیلوف حاضر بولمشدر .

**مذاکرات صلحیه .** - چهارشنبه کونی یدنجی صلح قونفرانسى وه نیزه لوساک تحت ریاستنده انعقاد ایتدی . عثمانلی مرخصلری باب عالی دن آلدقلى تعلیماتی بالغان مرخصلرینه تبلیغ ایلدیلر : حکومت عثمانیه نك ، ادرنه قلعه سی بزده قالمق اوزره ادرنه ولایتك غریبنده کی اراضینک متفقله ترکی قبول وارنا وودلنی دول معظمه نك رأى وقرارینه ترک ایده رک آله لر دن هیج برینک یونانستانه ویریه میه جکینی ویا لکر کرید اطه سی حقنده باب عالی ایله دول معظمه آره سنده بر صورت حل اله ایدیه جکینی بیلدیردیلر . بوتلیغاتى متعاقب اجتماع تأخیر ایدلش ، متفقین مرخصلری ۹۰ دقیقه اتی بر مذاکره دن صکره مذاکره سالونه کیره رک ، باب عالی نك ادرنه ولایتك غریبنده کی اراضی بی ترک ایلیه جکی حقنده کی شرائطی برسند اتخاذ ایتدکاری بی و بولایتده اجرا ایدیه جک تحدید حدود مسئله سنک یالکر بلغارستان ایله ترکیا آره سنده دکل ، فقط ترکیا ایله متفقین آره سنده مذاکره سنی ارزو ایله دکاری بیان ایلدیلر ، بوخصوص عثمانلی مرخصلری طرفندن قبول اولندی . بونک اوزرینه بالغان مرخصلری ادرنه حدودینه عائد اولان خریطه نك کندیلرینه ویرلسنی ایستدیلر . باب عالی دن یکیدن تعلیمات آتمق اوزره قونفرانس جمعه یه تعلیق اولندی .

§ سکرینجی قونفرانس جمعه کونی قره طاغ باش مرخصنک ریاستی آلتنده انعقاد ایتدی . قره آغاچ لیمانی حداسنه قدر ادرنه ولایتی قعه ایله برابر داخل ممالک عثمانیه ده بولوندیران بر خریطه عثمانلی مرخصلری طرفندن متفقین مرخصلرینه تقدیم اولوندی ! متعاقباً بالغان مرخصلری اجتماع صالوتی ترک ایده رک خصوصی صورتده عقد اجتماع ایدرک نتیجه مذاکراتده عثمانلی مرخصلرینه بر اولیتاوم تقدیمه قرار ویرمشلدرد . بر یقچ ساعت صکره انعقاد ایدن جلسه ده بالغان مرخصلری عثمانلی مرخصلرینه بروجه آتی تطبی وشدیدالمال بر اولیتاوم تبلیغ ایلدیلر :

« بالغان مرخصلری ، عثمانلی مرخصلرینک بازار ایرته سی کونی زوالی ساعت درده قدر نقاط آتیه حقنده قطعی بر جواب ویرملرینی طلب ایدرلر :

۱ - ادرنه ولایتك ، ادرنه قلعه سی متفقینه قالمق شرطیه تصحیح حدودی . ۲ - جزائر بحر سفیدك متفقینه ترکی . ۳ - کرید اوزرنده کی حقوق حاکمیت عثمانیه دن فراغت . »

عثمانلی مرخصلری ، تکریر مختصاتی اخطار ایدن بو قطعی المفاد اولیتاومه قارشى : « بازار ایرته سنه کیتکه نه حاجت ! بز خصوصده کی جوابلر منری یارین ده ویره بیلیرز . » صورتنده مقابله ایتلشدر .

طرفین آره سنده قرار کیر اولدینی وجه ایله صلح قونفرانسى جمعه ایرتنه تعلیق اولمشدر .

§ جمعه ایرتسی کونی لوندردده صرب هیئت مرخصه سی موسیو نوووقوچک تحت ریاستنده انعقاد ایدن اونجی صلح قونفرانسنده ، مرخصلر منی هنوز باب عالی دن تعلیمات آله مادقلرینی بیان ایدرک ، اجتماع بازار ایرتسی کونه تأخیرینی طلب ایلشلر و بالغان مرخصلری بوطلای اسعاف ایتلشدر .

§ رویتر تلغراف اژانسنک اخبارینه کوره بازار ایرتسی کونی انعقاد ایدن صلح قونفرانسنده عثمانلی باش دلکسی رشید پاشا طرفندن شوکی تکلیفلر تبلیغ ایلشدر :

« ۱ - حکومت عثمانیه نفس ادرنه داخل اولماق اوزره شهر مذکور شمالندن ده بر قسم اراضی ترکنه موافقت ایده جکدر .

۲ - حکومت مشارالیها کندیسندن بشقه هیچ بر آطه ده ایشه .

نیمه مک شرطیه کرید جزیره سی اوزرنده کی حقوقندن ده فراغت ایلیه جکدر . »

اشبوت تکلیفات جدیده نك تبلیغی متعاقب عثمانلی هیئت مرخصه سی صولوندن طیشلاری چقمشدر . بالغان دلکهلری اوراده قالمشلر و اون دقیقه قدر مذاکراتده بولندقدن صکره بروجه آتی جوابلرینی تنظیم ایتلشدر :

« عثمانلی مرخصلرینک تکلیفلری متفقله طرفندن کچن جلسه ده درمیان اولنان مطالبه توافق ایتدیک کبی یکی تکلیف اولنان بواساس اوزرینه اجرای مذاکرات ده منجر ائتلاف اوله جق بر ماهیتده بولندیفندن بالغان حکومت متفقه سی مرخصلری قونفرانسى تعطیل مجبوریتده قالدقلى بیان ایدرلر . »

عثمانلی دلکهلری صولونه عودت ایدنجیه بواجتماعه ریاست ایتکده اولان نوووقوچ متفقله صورتی بالاده مندرج جوابلرینی قرائت ایدرک فی الحقیقه جلسه یه تعطیل ایلشدر .

رشید پاشا غیرقطعی اولان بومذاکرات اثناسنده ادرنه ارزاق سوق وادخالندن بحث ایتک ایستدیکینی ، فقط جلسه نك تعطیلی بوکا مانع اولدینی سولمشدر . بونک اوزرینه مشارالیه ویرلن جوابده بومسئله نك کچن جلسه لرک برنده موقع تذکره قوش و مسئله مذکوره دها متارکه اثناسنده حل ایدلش بولندیفندن قونفرانسک بونکله اشتغال ایده میه جکی تبلیغ ایدلش اولدینی بیلدیرلشدر .

## سبیل الرشاد

یازیقراولسون بزم کبی انسان دیه یر یوزنده کزن جانلی مزار طاشلرینه ! یوز بیکلرجه قارداشلر من آلمدنبری چنبر کفرک تضییق کشینی آلتنده ایکله دکاری حالده امدادینه یتشمکه قدرمن یوق . کون دوغار ، ایشیمزک باشنه قوشارز ؛ اقشام اولور ، چوربامزی ایچر ، بالین استراحته اوزانیرز . یا او بیچاره لر ... قانلی کوز یاشلریله بر آووج اولنرینی قاریشدر ، بیک تفکرله بر لقمه سنی اغزینه کوتوررلر . صباح اولور ، بختی سیاه محیطلری کون کورمن ؛ اقشام اولور ، سالرنده هیچ برهلال طلوع ایتز . بتون نصیلر کشف برظلمت ، اوزون برانتظاردن عبارت . بیچاره لر ، دیکرلری کبی سزده قاجدیکز ، اسلامیتک ناموسنی محافظه ایچون حیاتلرکزی فدا ایدرک ، قلعه لره قیاندیکز . ظن ایتدیکرکه ارقه کزده بولنان میلیونلرجه خلق یا سزکله برابر اوله جک ، یا سزی صلیک ظالم پنجه سنه تسلیم ایتیه جک ! فقط هیات ! .. او میلیونلرجه توهم ایتدیکر خلق چورچوب دن باشقه برشی دکل ایش ! اوت ، بومیلیونلرجه چورچوب پیغنی یجه قارداشلرینک انکیزیسیون ظلملری ایچنده بوغازلاندقلى ، نه قدر همشیره لرینک ناموس وعصمتلریله برابر جامورلر ایچنده محوایدلکاری کوردیلر و حالا کورپورلرده ینه حیاتلرینه ضرر کله مک ایچون الاری باغلی مسکنتلری ، مدلتلرینی ترک ایده مدیلر و ایده میورلر . یارب ، جبین ، حیات دوشکونی ملترک ناصیه خسرانلرینه اوردیغک ذلت و مسکنت تغاسی نه یامان ایش ! کوردیکمز معامله لره وحشی قوملریله تحمل ایتز . یازیقراولسون عثمانلیم ! باخصوص مسلمانم ! دین هر فرده ! یازیقراولسون طاشیدیمز سلاجلره ! یازیقراولان کفنلرینی باشلرینه دولایان اولولره ! ای که بولغار اصراری ادرنه یه حصر ایدیورده دارالحلافه محمدیه یی ، بوتون آناتولی یه ده ایسته میور . یا ایسته سه نه اوله جق ؟ صبح عمومی شرفنه قربان دکل ؟ یازیقراولسون ! ... یازیقراولسون ! .. یوق ایش قورتاره جق بختی قاره مادریخی !

مطبعة احمد احسان و شرکاسی مدیر مسئول : اشرف ارباب